

南社詩選

初五子題



南社詩選

七

涇縣胡韞玉樸安選錄

白丁詩選

丁上左字竹蓀號白丁浙江杭縣人今錄詩十首

調亞子用海帆師韻

一宵欲挽小勾留。偏效鴛鴦宿秀州。皮陸本來爲勝侶。尹鄴何事到良儔。料君念切梨花落。恨我交遲桃李投。知否歌場春寂寞。伊誰共泛木蘭舟。

和龍丁華書伉儷唱和詞原韻八絕

誰云春日遲遲好。已見花飛滿院殘。獨坐懶將奩鏡照。癡心惟盼竹平安。愁春
頓驚寒食散輕烟。意不如人欲問天。今日樓頭翹首望。最關心是柳絲牽。春秋
眠琴莫待綠陰稠。繁富爭誇萬戶侯。儂命不猶時自惋。餘情都付雨中鳩。春怨
嬌紅姹紫倏成空。恨煞飄零楊柳風。底事惱人眠不得。含嗔意在不言中。怨春

一日三秋似軸轡。梧桐葉落滿庭蕪。儂心如菊。霜猶傲瘦影。孤燈猶伴吾。愁秋
若箇銷魂對月明。照人肺腑靜無聲。幽蛩未解深閨意。絮耳階前徹夜鳴。秋愁
凱風何故棘心吹。不語停針添綫遲。幾度懷人行役苦。雁來有信盼歸期。秋怨
紈扇輕捐昨日非。書屏冷淡認依稀。早知萍跡飄無定。悔却楊花逐水飛。怨秋

和龍丁留別詩韻卽以贈行

交訂湖山久。今添離別情。賡詩寫愁怨。把酒話平生。摹像佛無量。抽身子獨清。
虛心敢師竹。膝薛我母爭。

展庵詩選

丁以布字展庵浙江杭縣人今錄詩九首

湖上卽席酬春航靜庵

南北依稀屹兩峯。如撞大呂應黃鐘。投瓢得句詩懷曠。彈鋏長歌豪氣鍾。朝野
略無新伎倆。湖山仍是舊形容。一盃歡飲餘杭酒。樂事年來豈易逢。

亞子招飲湖樓卽席分得虞韻

湖上春回風景殊。綠肥紅瘦到蘼蕪。情懷南社聯吟客。惆悵西泠中酒徒。世態無妨成冷淡。人生難得有糊塗。飄零琴劍成何事。浩蕩胸襟月滿湖。

贈春航用白丁韻

曾記春申一笑逢。曲終江上悵青峯。霓裳自是鳴幽怨。畫筆還教別淡濃。潭水情深人去遠。謂亞子休丘夢冷客尋蹤。西湖灑遍傷春淚。何處緘封寄個儂。

題吹萬傷曇錄

痛哭西河欲喪明。避人忍淚寫哀銘。高夫人以吹萬哀慟失常迫不令復作文最難忘是彌留頃。目

注阿耶噤不聲。

土花低護墓門深。血淚揮殘尙溼襟。我願世人勤子職。莫忘父母育兒心。

題亞子分湖舊隱圖

樓臺平水水平橋。梨里人歸趁短橈。嫩綠新紅遍桃柳。個儂心事付吟瓢。

一水盈盈問越吳。舊居難忘是分湖。兒時蹤跡詩中畫。沙鳥風帆恍有無。

題西泠扶醉照片寄亞子用吹萬韻

相印心心到印泉。雪泥鴻爪總前緣。獨醒我是孤山鶴。來伴花間醉八仙。

題三子遊草次吹萬見贈原韻與三兄不識同賦

故國寂寥塵夢裏。閒遊半月強爲歡。人如蓬梗隨波轉。詩共梅花耐歲寒。我自清狂君自醉。見時容易別時難。還應樂府歌三婦。六逸高風未渺漫。

亮才詩選

周亮字亮才浙江嘉興人今錄詩十七首

悼程蘊秀女士並慰陳西溪先生

分明佳偶自天成。底事良緣各半生。悽絕倚雲樓上夢。年年環繞女兒身。一代風情百不如。何堪舊事話南徐。悼亡灑盡河陽淚。濕透南華一卷書。敦促蕭郎作壯遊。惓懷家國美人愁。陌頭春到垂楊日。不學尋常上翠樓。

梅花一樹遽傷枯。剩有香魂繞綉襦。大好河山光復日。江南愁恨失羅敷。
雄師威克石頭城。壯絕東南十萬兵。夫壻也曾投筆去。蘭言當日記分明。
君自吟詩儂寫來。清閨唱和劇憐才。孤山一語成詩讖。黯絕梅魂喚不回。
湖海元龍正妙年。無端錦瑟悵離絃。節哀記取夫人語。莫向春風聽杜鵑。
一片仁慈天性真。衆生平等豈無因。焚香小婢休輕視。也是蘭姿蕙質人。
鮑妹學成堪慰姊。定知含笑在泉台。文明傳遍新篁里。華表應看化鶴來。
大陸風潮動地來。男兒壯志忍湮埋。休教奉倩神傷盡。好爲宗邦護妙才。

次石庵冬日感懷韻六首

爛嚼蓮心忘是苦。飽嘗梅子不知酸。豈真蜀道難如昔。畢竟釣天夢未寬。
老去奇書容我讀。歸來長鋏背人彈。河山新歷紅羊劫。慘淡風雲壁上觀。
朔風楚雨斷腸聲。鬱鬱中宵一劍橫。奇氣更從何處洩。新詩慣作不平鳴。
江山搖落騷人感。禾黍蒼涼故國情。社鼠城狐欣起舞。更誰獻策慰羣生。

玉笛梅花訴哀怨。銅駝荆棘臥縱橫。千尋鐵鎖攔江水。一抹愁雲壓古城。煮豆
燃萁成底事。拈蘭證絮不勝情。墓門芳草迷鸚鵡。獨弔洲前矚正平。
聽罷傾城一曲歌。蛾眉謠詠近如何。欲將心事叩天帝。未許情緣惹鬼魔。骯髒
風塵知己少。飄零湖海閱人多。幾時歸共淵明隱。一片飛帆似織梭。
胡天胡帝心如醉。疑雨疑雲夢正濃。漫道將軍工射虎。更無壯士學屠龍。羣空
冀北非凡品。曲譜江南唱懊儂。我欲蓬萊深處去。乘鸞飛上最高風。
草木榮枯一瞬中。可憐世界可憐蟲。魯陽戈未迴斜日。沛下人應歌大風。點綴
乾坤新事業。網羅塵海舊英雄。睡獅喚醒非容易。閒殺僧樓報曉鐘。

俠士行

手不斬仇人頭。口不飲仇人血。俠士替天平不平。其情如山心如鐵。山不能搖。
鐵不能折。恩怨莫論。奇氣當洩。來時如迅雷。去時如疾風。踪跡不知所。一劍橫
長虹。屠龍屠狗知多少。說與世人都不曉。狂歌長嘯天地空。明朝且入長安道。

君不聞。秦庭七首博浪椎。報燕報韓知是誰。

天風詩選

譚天字天風浙江嘉興人今錄詩三首

春日書樓遣興

儼然九鼎守王家。世業縹緗一郡誇。披卷眼昏剛負曝。作書手顫爲鋤花。天邊雲勢隨風過。樓外嵐光礙竹遮。忽見鶯巢高幾尺。春來又長樹枝桠。

書呈家君作詩示寄書者

一紙三千里。臨歧無限思。君心如不負。我夢亦相隨。遠水魚爭躍。秋風馬脫羈。浮沈雖未定。從此算程期。

雨夜聞雁寄懷族兄希鏗

寂寥風雨夜。孤客若爲情。料得高吟罷。淒然感慨生。文章偏古調。親友僅虛名。獨坐悲懷起。何堪聽雁聲。

道非詩選

沈礪字勉後號道非浙江嘉善人今錄詩五十五首

送窮

任鬼揶揄不送窮。終朝白眼看蒼穹。知交卻在風塵外。相見無非肝膽中。濁世功名歸豎子。中原今古幾英雄。會須立馬昆侖上。散髮披襟唱大風。

濁酒

濁酒秋風弔可兒。鬼雄享我掌中卮。當年楚覆存三戶。此日韓亡奮一椎。只是替人浮大白。更無險著振殘棋。東鄰有女頻窺宋。紅豆玲瓏刻骨思。

送友北上

今日長安音日倭。遊踪料料兩如何。小詞楊柳新傳曲。一抹胭脂媚更多。市上已無屠狗輩。事前試叱似牛歌。扶搖九萬搏鵬翼。爲辨修羅與大羅。

雨遊西湖

零落冬青繫客思。泥人况又雨絲絲。江山已逐厓山去。惆悵西湖佇立時。
拜岳墓

相公一德格蒼天。萬里長城壞昔年。頑鐵鑄形初未料。是非千載墓門前。
湖上聞笛

鐵崖哀感詠紅兜。玉笛春殘十二樓。簌簌短亭花落盡。餘音依舊繞杭州。
展張蒼水墓

青山碧血悵年年。蒼水孤忠日月懸。于墓岳祠分鼎足。西湖一勺峙三賢。
虎丘弔闔閭

眞娘聲價豔千秋。多少新詩詠虎丘。誰重闔閭埋骨地。清明寒食奠椒餹。
治塚偏勞千萬人。頌池銀槲畀幽神。祖龍發後赤烏發。地下財多尙累身。
吳中雜詠

仗劍輕生慷慨歌。湛盧飛去近如何。要離塚外五人塚。猶占吳門俠氣多。

弱宮人盡作貔貅劍氣蕭蕭吳苑秋。其奈嗣君輕尙武。祇憐妃子捧心愁。
走狗塘前芳草碧。養魚城外晚風涼。胡塵滿地且休問。小集名流宴辟疆。

狂歌行

既不甘穀觶如馬牛。又不堪冠帶效沐猴。許身當爲稷契。得志無須王侯。丈夫
貴快意。茲外復何求。胸中雲夢吞八九。眼前了了小五洲。權奇磊落抑塞不得
稍稍逞。鬱伊橫劍風塵遊。吾遊悵悵奚所適。適情姑作信宿留。時而一憑高。直
上元龍樓。時而一涉水。同坐李膺舟。模範山水流連風景。奚足數。山川形勝湖
海豪傑歷歷銘心頭。有士裼其裘。有客髯如虬。猝然相邂逅。停趾交凝眸。一言
能快合。萬語談不休。相知各恨晚。尊酒意氣投。神采照耀。肝胆唱酬。狂歌擊節。
天地爲愁。山嶽飛去霹靂走。舍我曹外不知誰是當世第一流。他日毋相忘。前
途善爲謀。我曹期許乃如此。安能水鳧泛泛隨波浮。吁嗟乎。燕雀焉知鴻鵠儔。

詠史

桓桓飛將絕嚴關。出沒空林虎豹間。點點淚珠彈不絕。壓山痛定又煤山。
鯤身竟渡猿聲絕。跋浪鯨鯢任往還。一局殘棋收拾盡。一爲南畝一臺灣。
鄭延平也
張弔水

詠史

燐火飛青刼火紅。滔滔逝水大江東。紫光閣上圖形貌。添個元勳張獻忠。
渭濁涇涸本異流。當塗符讖趁時收。冢中枯骨袁公路。唾手居然得冀州。
貔虎熊羆專閫外。高言法意本無慙。枯腸搜索西洋史。華聖拿皇並一談。
秋高木末嘯霜猿。乾鵠寒鴉一例喧。策馬樂游原上望。夕陽只是近黃昏。

悲秋

不關宋玉善悲秋。滿眼滄波渺渺愁。一自蒼鷹飛黑塞。幾經白馬禍清流。
讖書交口稱新莽。穢史何心誚魏收。劇醉每教冠髮指。披襟慷慨弄吳鉤。

讀書

中原攬轡計已左。飽讀奇書亦自豪。但使心波清一勺。何庸夢境繞三刀。風雲恥共蛟龍競。田隴笑容燕雀嘲。日課千言足消遣。誦餘梁父誦離騷。

晚眺

夕陽一抹傍江樓。萬里烟波渺渺愁。隱現龍鱗依壑澤。觸蠻蝸角狎春秋。不旋地軸移三島。便借天瓢洗九州。落寞生涯權忍受。暫師居士號休休。

滬上度端陽

中年哀樂與人殊。鞭影驚心令節徂。英物可生王鎮惡。奇冤終古屈三閭。步兵廣武言堪玩。皋羽西臺哭亦孤。客裏端陽容易過。不堪撻足騁長途。且飲雄黃酒一杯。味蕘園裏看花回。士風饒有承平習。人物誰爲撥亂材。紅日低隨燕影去。黃塵斜逐馬蹄來。阮狂稽懶緣何事。未許頑心寸寸灰。

偶成

大好年華擲逝波。春風髀肉嘆蹉跎。壯夫事業將何有。豎子功名不足多。滿道

豺狼肆牙爪。當階蘭蕙恐芟鋤。楚囚對泣渾無補。誰爲中原奮魯戈。

和騷心佳期原韻

宵來慵啓玉樓扉。何日征車可賦歸。同命鴛鴦依水宿。趁時蝴蝶逐花飛。燒殘心字人惆悵。瘦減腰圍婢諷譏。幽怨千重愁萬疊。天涯紅豆已全非。

再疊前韻示劍華

謾勞車馬集荆扉。去病無家怎使歸。眼底雲煙半疑似。胸中海嶽一翻飛。青萍欲作騰拏勢。黃鵠何妨燕雀譏。莫道南薰能解慍。瑤琴三尺譜非非。

三疊前韻示同坐

曉起頻敲逸士扉。晚登巖岫看雲歸。十年歌哭將成錯。萬里扶搖已倦飛。斗室常留春夏氣。寸心寧畏簡書譏。吾人出處原無軌。彼此何須問是非。

風雨大作倚枕口占

瘡痍漢上成陳迹。拜手揚言又一時。風雨客中心鬱勃。江山枕上夢迷離。十年。

辜。負。澄。清。志。一。劍。飄。零。老。大。悲。倘。得。重。施。龍。虎。略。黃。龍。直。抵。未。爲。奇。

無題

高唐神女杳無蹤。雲雨荒唐入夢中。誰道茂陵病消渴。情波還比酒波濃。最怯春寒透被池。殘燈無力驕肢一簾新。月迎人瘦贏得銷魂正此時。憔悴三春卻爲卿。是多情也似無情。鴛鴦曾是能同命。杜宇枝頭喚不平。慧劍能除煩惱絲。香車金轡悵當時。二分明月揚州夜。夢醒尋芳杜牧之。

唏髮一首示亞子

唏髮弔湘靈。山中獨醉醒。黃農今不作。草木總含腥。一卷潛夫論。三弓野史亭。相資遺世慮。庶彙漫勞形。

了公鵲雛見過喜作

門前無轍跡。斗室意幽深。舊雨扁舟至。春風空谷音。評量梁父句。睥睨雛生吟。一片懷冰雪。悠然滌素襟。

桃源隨處是。何必入山深。各抱中和性。能彈太古音。文章都佛諦。了公謂千古
悅風雨入孤吟。獨離出風雨樓近作見示。卽此足遺世。玄珠灼我襟。

月旦四首

銜石精禽填海心。此心宜古更宜今。偶然縹緲虛無想。晞髮陽阿一放吟。
一紙嚴辭卻報酬。梁溪品格仲翔儔。老瞞縱是饒臧物。威鳳祥龍網得不。
昔誦梁家五噫歌。桂蠹品性百年無。兩行淚灑遼陽路。席帽山人不足多。
漢石秦碑腕下收。黃冠塵市小沈浮。吾心欲向猶龍折。此亦中原第一流。

晚步野次

信步東阡西陌行。餘霞映帶晚烟平。荒隄雨後多牛迹。雜樹風過送鳥聲。在水
一方容駐足。問津何處可移情。臨流慨拊支離骨。息影經年髀肉生。
黃梅時節坐陰晴。杜宇枝頭喚不平。歧路可能污素履。清谿聊爾濯長纓。雲霓
牽涉閒中思。泉石婆娑物外情。風景不殊且舉目。英雄自古合躬耕。

十年悔詠南薰曲。今日又逢東作時。布穀苦催秧簇簇。鵲鳩泣喚雨絲絲。舊畚
事業歸無逸。稼牆艱難動繫思。隴上正多騰燕雀。輟耕大息幾人知。

感懷八首

橫流滿眼世滄桑。惻惻難消舊日狂。龍虎風雲一頓挫。俊廚顧及半淪亡。託身
只覺菰蘆好。上口無如薇蕨香。收攝寸心消萬念。焚琴煮鶴總悲傷。
欲了華嚴未了因。磨磚作鏡莫嫌辛。漫言公路能稱帝。莫笑揚雄更美新。縹緲
九天鸞鳳嘯。蜚蜉當道蝮蛇瞋。蚩蚩遍飲狂泉水。容得東施竊效顰。
浩淼長江水拍天。石城龍虎乍銷烟。故宮草長銅駝沒。牙帳雲屯鐵騎連。腸斷
鶯花樓十二。心傷猿鶴甲三千。南朝寂寞青山在。玉樹歌中恨渺綿。
日輪曠息墜虞淵。海外能容忍辱仙。一道白虹方貫日。三年碧血竟蜚天。英雄
自昔甘嘗膽。造化于今肯息肩。莫更生涯嗟濩落。天津橋畔有啼鵑。
座右端書行已箴。靜中結契落花深。九州雲擾刑天舞。萬口雷同下里吟。新貴